

اداره مرکزی :

آنقره ده ، استانبول جاده سنده آنقره
معارف امینلکی یاننده کی داتره

استانبول بورسی :

استانبولده ، باب عالی جاده سنده ۸۷ نورده
داتره مخصوصه

حیات

میان راهم آمیازه ... دیار دها هر هیهات فانیالم ...
- یجه -

نسخه هربرده ۱۰ غرورده .

سنه لکی بوسته ایله ه لیرا .
(اجنبی مملکتلر ایچین ه دولار)

ایوه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آنقره مرکزدر .

صافی : ۴۷

آنقره ، ۲۰ تشرین اول ، ۱۹۲۷

۲ نجی جلد

مصححه :

غازینک نطقی

۱۶ ، تشرین اول ، ۱۹۲۷

۱

هنوز حاضر لایم اشدی . هرشیدن اول محیط یار اتمق
اوندن صوکراده غایه « نه تاب نه تاب » کیتمک
لازمی . بر تک غازی او محیطی یار اتمق کافی
کلدی . ایسته انسانی قدر تک تجلیسی بونقطه ده در .
بویوک آدمیر ، قدرتی بیله ن ، غایه واصل
اولمق ایچون کیدیلجک واسطه یی کوره بیله ن
بویوک ذکالر در که « محیط » یار اتمق . بشری حمله لک ،
ترقیلرک سری بوراده در . ا کر انسان طبیعت
و محیط اسیری قالمش اولسه یدی مدنیت اولامازدی .
جمیته ، طبیعت مؤثر اولمق ، محیط یار اتمق ،
قوتلری قوللانمق امکایدیر که ترقی یی تولید
ایدیه بیلور . بواکاندن اعظمی استفاده « عملی
دهانک » ایشیدر . غازی ایسته بویله دهادر .
او آنادولی یه کیرنجه مختلف تشکلرده کی شعور
دیکشدی و صوکرابرله شدی . جانسز قالان یرلرده
حیات و حرکت باشلادی . دها اول ملی غایه نک
شعورینی دویمایان یرلرده هیجان کوزو کدی .
غازی اولدن کندیسیله چالیشان ارقاداشلردن
بعضیلرینک نه ایچون آیریلدیغنی ال و جیز بر صورتده
اکلاتدی : بویوک دها قرایینی تطبیق ایدهرک
یورودکجه بعضیلرینک تفکر و تحسلی حدودینی
کچوردی . اونلر دماغلرینک قابلیت نسبتنده
برابر یورویه بیلدیلر . اوندن صوکر غازینک
قدرتی قاوورایامادیلر ، اکلا یامادیلر . مخالف
اولدیلر . صوکه مخالفتک پیسیقولوژیسی آنجق
بو قادار وجیز اکلاتیلا بیلیدری .

محمد امین

حالی قارشیسنده کندی یولنی تعیین ایدویرمشدی .
بویول اوزمانده کی هیچ بر جریاندن کله یوردی .
ایسته دهانک ابداع قدرتی بونقطه ده در . غازی
اولا وضعیتی بوتون چیپلاقلغیه ، بوتون وضوحیه
کورمش ایدی . بو کوروش تام بر متفکر
مشاهده سیدر . اوندن صوکر یولنی تعیین
ایله اشدی . بوراده تام بر « دهای عملی » نک
اراده سی کوزو کویوردی .

غازی ینه اوکون ویردیکی قرار قارشیسنده
محیطک وضعیتی آکلاتدی : اطرافده کیر
موروث بر اعتیادله سلطنت و خلافت اطرافده
طوپلانمق ، عثمانلی سلطنتی ممکن اولدینی قدار
آز ضررله قورتارمق ، حتی قابل اولورسه
تام بر جزو حالنده دولتلردن برینک ، یا انکلتزه نک
حایه سنه ، یا خود آمریقانک مانداسنه ، تودیع
ایلمکی ایسته یوردی . غازی عثمانلی سلطنتک
آرتیق چو کدیکنی کورمشدی . قورتاریلاجق
شی یالکز تورکک آنا وطنی اولابیلیدری .
مملکتی قورتارمق آنجق اوکا تام برا استقلال
ویرمکه ممکن بولونابیلیدری . شو حالده ملته
رتب ایله یین وظیفه تورکک آنا یوردینی تخلص
ایدی . بو وضعیته متردی بر خاندان نامنه صرف
ایدیه جک بر قوت موضوع بحث اولابیلیرمیدی ؟
تاریخک ضررلی بر موروثی اولان « خلافت » دن
تورکک بکله یه بیله جکی هیچ برشی بوقدی . اک آرزمانده
آرتق ماضی یه قاریشمش اولان بو مؤسسه دن
قورتولنی دوشونمک لازم کلیوردی . فقط محیط

خلق فرقه سی قونفره سنده بویوک غازی
نطقلرینه دوام ایدیورور . غازی بر تاریخ یار اتمق
قلمادی ، اوتاریخی بالذات یازدی . یارینکی نسل
اونی اوقودینی زمان یکی تورکیه نک تأسسی
تاریخی بالذات غازیدن اوکره نمش اولاجقدر .
غازی یالکز قوماندان ، یالکز بویوک دولت
آدامی ، یالکز مبدع بر انقلابی دکل ، بو
نطقلریله بوندن صوکر کی نسللر ایچون بویوک
برمری اولدی . هیچ بر قلم غازی یی کندیسندن
ای اکلاتاماز ، هیچ بر مورخ یکی تورکیه نک
تأسسی اونک مبدعی قدار قوتله ایضاح ایله .
مزدی . بوندن صوکر کی نسللر غازینک یالکز
معظم اثرینی دکل ، کندیسنده کندی لساندن
طائیش اولاجقدر . یالکز قونفره ده بولونانلرک
دویدقلری بر ذوق و هیجان واردر که اثری
اوقویانلر بوندن محرومدرلر : غازی یالکز بر
متفکر دکل ، قوتلی بر خطیدر . سوزلر اونک
لساننده امثالسر درجه ده مؤثر اولویور . غازی
قونفره نک ایلمک کوننده ، صامسونه چیقیدینی
زمان اسکی عثمانلی سلطنتک نه حالده اولدیغنی
اکلاتدی ، اوفلاکتلی کونلرده نه کی تشکلرک
بولوندیغنی ، فکرلرک ناصل تشته اوغرادیغنی
حکایه ایتدی . دیکلر کن قارشیکزده او الملی
آنلرک اک صادق تابلوسنی کورو یوردیکز . اک
صنعتکار قلمده ، اوزمانی آنجق بو قدار کوزل
جانلاندیر ایلیر ، اک اویژه قتیف بر کوزده وقایعه
بو قدار صادقانه باقایلیردی . غازی مملکتک بوالیم

(اُپيل زوږ) دن پارهار

قارلر ايجنده قالمش ترهن

بر ساعتی متجاوز زماندن بری ترهن نهلهکه ايجنده ایدی؛ بولجیلرک عذابی کیتدکجه آرتیوردی. ما کیست «ژاق»:

— یول کافی درجه ده تیزلندی. دیدی. آرتق ثوست طرفنی بکا براقیک ..

«به کو» ایله برلکده تکرار برینه کچمشدی؛ ایکی قوندوکتور فورغونلرینه بنسجه «پورژور» ک موصلفنی کندی نهله آجیدی. قولقلری صاغیر ایدجک کبی بر کورولتو ایله موصلفدن بوشالان یاقیچی بخار، رایلرک اطرافنه پایشان قارلری تهرتوب تیزله دی. صوکره نهلی دومنده، ما کنه بی کری ایشلندی. خیرآلق ايجین یاواش یاواش اوچ یوز متره قادار کريله دی. آتسه قوت ویره رک، حتی اصولاً جائز اولان تضییق درجه سنی تجاوز ایدرک بولی قاپانان قاردن دیواره قادار کلدی و «لالیزون» ی [۱] بوتون کتله سیله، چکمکه اولدینی قطارک بوتون آغیرلیله دیوارک اوزرینه بندیردی. باطله سنی یاردینی اودونک باغیرینه کومهن بر اودونجی ناصیل «هینغ!» دیرسه تره ندن ده ثوبله برسس جیقدی، دیردن و دوکده دن یاپیش صاغلام یاپیسی بوسده نک تأثیرله چانیردادی. فقط بوکا رغماً مانی آشامادی، دومانلر صاچارق اولدینی برده دوردی. صوکره عینی مانوره بی ایکی دفعه تکرارلامق ايجاب ایدی، کريله دی، قاری ده ویرمک ايجین حائل ایکی دفعه داها زورلادی؛ هر سفرنده «لالیزون»، بوکری سرتلشدیررک، قودورمش بر دیو کبی صولوقلر آلاق کوکسیله دایاندی. نهایت نفس آلق ایستر کبی بر آزدوردقن صوکره، معدنی عضله لرینی سوک بر غیرتله کردی و کجی... و ترهن، باغیری ده شیلن قارک وجوده کتیردیکی ایکی دیوار آراسندن اوئی آغیرقله تعقیب ایدی. آرتق سربستدی.

کوزلری کورمن برحاله کلن «ژاق» کوزلکنی چقاروب سیلیدی. قلبی شدتی ضربه لرله چاپیور، آرتق صوغوغنی حس ایتیوردی. صوکره بردن بره، «قرووا دوموقرا» دن تقریباً اوچ یوزمتره مسافه ده درین بر یار بولوندینی غفلته کلدی: یار روزکار استقامتده آچیلیوردی؛ قار هر حالده اورابه فضله مقدارده بیریکمش اولاجقدی. اوزمان کمینسی قضایه اوغراناجق کیزلی قایلغک اوراسی اولدینسه دار کندنده قطعی بر قناعت حاصل اولدی. ا کیلوب باقدی. خطک وجوده کتیردیکی سوک بر انحنایی متعاقب یار، قارله دولمش کنیش بر جوقور کبی، دوغری بر خط حالنده اوزاقدن کوزینه کوروندی. کون اورتاسیدی؛ لابه لابه یاغان قار آلتنده،

[۱] لوقوموتیفک اسمی.

بارلاق، حدودسز بر بیاضلق اطراف قاپلامشدی. مع مافیله «لالیزون» آرتق هیچ بر مانعه به تصادف ایتدیکی ايجین وسطی بر سرعتله ایلرله دی. اوك و آرقه فنرلر یاقیلی ایدی؛ باجاک دینده کی فنر، کون ایشینی ايجنده، طبقی جانلی بر «سیقلوب» [۲] کوزی کبی ایشیلدیوردی. ما کنه، تک کوزی خفیفجه آجیق اولدینی حالده پورویور، یاره یاقلاشیوردی. اوزمان، برشیدن کوزی ییلان بر به یکیرکبی، قیسه، خفیف صولوقلرله صولومغه باشلادی. وجودی درین تیرمه لرله صارصیلور، شاخلانور، پورویشنه آنجق ما کینستک عزیمکار نهلینک زورمله دوام

سن وین

ایچه، ایلك بودومده زهرلر سنی
بخنك قدحه دوکدیک شراب.
هر آقسام قوینده اوبوتور بی،
هر صباح آلتدن اوپر اضطراب.

سن بیرمی باشکله بر بهارسک که،
کوکلکده نشته نک روزکاری أسر.
دوشونن آلتده بنم هر چیزکی
بهاری اولیان بر قیشه بگز.

سانا افلر «کل!» دبه باغیر بر.
نه لرنده چیچک و حابقیرارق؛
سنی کور سسیله حیات چاغیر بر،
بخیده چیکنه بوب کجديکک طوبراق.

احمد صمدی

ایدیوردی. آتشی آتشی جانلاندیرسین دیبه ما کینست تک بر حرکتله، اوجاگک قاپیسی آچمشدی. آرتق شیمدی باجادن چیقان شی، کجه نک ظلمتی طوتوشدیران بر ییلدیز قوروغنی ده کیل، سناک بویوک صولفون رعشه سنی کیرله سن سیاه دوماندن بر سورغوجدی.

«لالیزون» ایلرله یوردی. نهایت بارک ايجنه کیرمک ايجاب ایدی. یارک دیوارلری، صاغلی صوللی قار ايجنده بوغولمشدی؛ اورتا برده خطک ایزی بیله بللی اولما یوردی. بوراسی عادتاً، قارک آغز آغزه دولدیرارق ايجنده اوبودینی برسیل یاتاغنه بکزییوردی. ما کنه چیلغینجه صولویارق و کیتدکجه آغیرلاشارق الی متره قادارداها ایلرله دی. ایتدیکی قارلر اوکنده برسد تشکیل ایدیور، قایناشیور، ما کنه بی یوتاجق کبی، عاصی و تهدیدکار بر دالغه حالنده قابارییوردی. بر آراق ما کنه باشندن آشان

[۲] یونان اساطیرنده آلتنده تک بر کوزله

تصویر اولنان دیو.

قارلر آلتنده ازیلش، مغلوب اولش کبی کوروندی. فقط سوک بر بوگر ضربه سیله کندی قورتاردی، اوتوز متره قادار داها ایلرله دی. آرتق هرشی پتمشدی؛ جان چکیشیر کبی صارصیلدی. قار کتله لر ییقیلیور، تکرلکاری قایلپور، ما کنه قسمی باصیور، هرشی بوزدن زنجیرلرله باغلییوردی. «لالیزون» بومدهش صوغوق ايجنده، بر داها پورومه مک اوزره دوردی. سوک دمنده ایش کبی نفسی کسیدی. آرتق حرکتیز و تولو ایدی. «پت تومهن» آتلی اثرندن.

غیضلرم

... عدم تزل طوری طاقینان بودالاره، صنعت وادیانمک آرتق اچلری کلدیکنه اینانان عاجزلره قارشی غیض وارد. بونلر اک بوش پینلی، اک قورو قلبی انسانلردر؛ ایله انسانلرکه ماضی به کومولش اولدقلری حالده، دوریمزک جانلی و حالی اثرلرینی تزییف و حقارتلر قاریشدیروب اونلرک ده کرسز و دار اولدقلرینی ایلری سوره لرله فقط بن بوسوتون باشقه تورلو کوریورم. کوزه لک و کال مسئله لری بی ذره قادار علاقه دار ایتیور. بویوک، اومورمده ده کیل. بی علاقه دار ایدن آنجق حیات قاوغا، حما. کندی نسلمه منسوب انسانلر ايجنده جوق راحت. باشقه بر محیط، باشقه بردور تمیسی بر صنعتکار ايجین وارد اولماز. آرتق نه استاد وار، نه مکتب. آنارشی ايجنده بزهر بریمز کندی حسابنه دوشون، کندی حسابنه یاراتان و دوکوشن بر رعاصی کسیدک. دوریمز نفس نفس صولویور، انتظار و اندیشه ايجنده؛ اُک قوتلی و اُک دوشری و وراجفلر، پوروغنی باشقالرینک آغز بی قاپاناجق قادار زورلی اولانلر بکلنیور و هر یکی پهلووانده، یارینک دیکتاتور، «تیران» ی اولق خصوصنده مبهم بر امید وار. صوکره، نه کنیش افق! استقبال حقیقتک ايجیمزده تیره دیکنی ناصل حس ایدیورز! دیزک دولاشماسی سوبله به جکلریمزک جوق اولما سندن. بر علم و حقیقت عصرینک آشیکنده یز وزمان اولیورکه، قارشیمزده بوکسه ان اوبویوک شعله اوکنده، سرخوش انسانلر کبی، سنده لیورز. فقط چالیشیورز، اوغلریمزک یاپاجنی ایشی حاضر لیورز، کیره چ توزلری هوایی قاپلار، انقاض پارچه لری کورولتو ایله دوشرسه اونو تمایلم ییقمه دورنده یز. یارین بنا یکیدن قورولش اولاجق. دوغورمه نک یاقیچی سونجلیرینی، طاتلی و آجی عذابی دویاجقز؛ حقیقتک احتراصلی اثرلرینه، حر صیحه لرینه، بویوک عصرلرک بوتون سیئه لرینه و فضیلتلرینه؛ بشکرنده قاووشاجقز. کوزلر، ایسته دکلری قادار، غیرتلیریمز انکار ایتسیفلر، بوغوشالریمز جان چکیشمه چیرپیشلری نظرله باقیینلر، بوغوشالریمزک دوغومک ایلك رکا کتلی اولدینگی کورمه سینلر. اونلر کوردر. اونلره قارشی غیض وار!

— «غیضلرم» آتلی اثرندن.

طهرانه شریف